



ALEP

ASSOCIATION LUXEMBOURGEOISE
DES ÉTUDIANTS EN PSYCHOLOGIE

PSYCHOLOGIE STUDÉIEREN WAT MUSS ECH WËSSEN ?



INHALTSVERZEECHNES

Virwuert	3
	4
Waat ass Psychologie?	5
Waat ass iwwerhaapt Psychologie a wat kann ech spéider domat ufänken?	6
Waat ass den Ennerscheed tëschend Psychologie, Psychiater an Psychotherapeut?	7
D’ALEP – Association Luxembourgeoise des Étudiants en Psychologie	
Alles iwwert de Psychologiestudium	11
Opbau vum Studium	12
Studéieren an Lëtzebuerg	15
Studéieren an Däitschland	18
Studéieren an der Schwäiz	22
Studéieren an Éisterräich	25
Studéieren an Frankräich	27
Studéieren an der Belsch	29
Studéieren an Holland	31
Impressium	34

Virwuert

Léif Lieserinnen, léiwe Lieser,
Léif Interessente vun der Psychologie,

Mir als ALEP sinn houfreg lech eis nei Infobroschür zum
Psychologiestudium virstellen ze kënnen!

Dëst Noschlowierk riicht sech virun allem un all déi, déi kuerz virun
hirem Lycéesofschloss stinn oder sech prinzipiell un engem Studium
an der Psychologie interesséieren. Haaptsächlech stelle mir lech hei
a kuerzer Form eng Grondiddi vun der Psychologie als Beruff vir a
présentéieren en Iwwerbléck iwwert den allgemenge Grondstudium
vum Bachelor an der Psychologie. Dodernieft gi mer och en
Iwwerbléck iwwert déi verschidden europäesch Länner an deenen Dir
äre Studium ugoe kënnt.

Nieft dëser Broschür verweise mir awer och gären op anert
Informatiounsmaterial dat sech mat aneren Aspekter vum
Studenteliewe befaast an lech weider op Äert nächst grousst Kapitel
virbereet. Dës wiere Guidë vum Cedies, vun der ACEL, oder anere
Studentencercelen aus verschiddene gréissere Stied.

Den Dr. Seuss huet eemol geschriwwen: „You have brains in your
head. You have feet in your shoes. You can steer yourself in any
direction you choose. You're on your own, and you know what you
know. And you are the one who'll decide where to go.“

An deem Geescht wënscht d'ALEP lech vill Spaass beim Liesen, a
Courage op dem Wee vir deen Dir lech entscheede wäert

WAT ASS
PSYCHOLOGIE ?

Wat ass iwwerhaapt Psychologie a wat kann ech spéider domat ufänken?

Psychologie gëllt haut als eng eegestänneg Wëssenschaft a beschäftegt sech virun allem mat dem mënschleche Verhalen sou wéi och mat deem sengem Verständnis. Froen ewéi zum Beispill „Wéi treffe Mënschen Entscheedungen?“, „Wisou reagéieren se ob eng bestëmmten Aart a Weis?“ an „Wéi funktionnéiert eigentlech d'Gehir?“ gi während dem Psychologie-Studium ausféierlech diskutéiert. Als unerkannte Psycholog kënne verschidde Schwéierpunkte gewielt ginn. Niewent der typesch bekannter klinescher Psychologie, déi sech virun allem mat mentale Stéierungen an hieren Behandlungen ausernee setzt, ginn et weider Beräicher ewéi d'Entwécklungspsychologie, déi sech virun allem op d'Entwécklung vun de Kanner fokusséiert oder Wirtschaftspsychologie déi an der

ekonomescher Welt seng Platz fënnt. Déi heefegst praktesch Aufgabeberäicher vun engem Psycholog bestinn haapt sächlech an der Diagnostik, Berodung an Interventioun, respektiv Psychotherapie. Niewent der Praxis ass et awer och méiglech an de Fuerschungsberäich vun der Psychologie anzedauchen an sech do geziilt mat weidere Schwéierpunkte wéi Genetik, Neurowëssenschaften oder Sozialpsychologie ausernee ze setzen. Wat awer fir all Psycholog gläich bleift, sinn d'Haaptaufgabe vun der Psychologie: beschreiwen (beobachten a klassifizéieren), erklären (verstoen an Theorien entwéckelen), bewäerten (moossen a norméieren), viraussoen (Selektioun a Präventioun) an veränneren (Berodung, Training an Therapien).

Wat ass den Ënnerscheed tëschent Psycholog, Psychiater an Psychotherapeut?

Am Alldag ginn d'Begrëffer Psycholog, Psychiater a Psychotherapeut oft als Synonymmer gebraucht, allerdéngs sinn dës dräi verschidde Beruffer.

E Psycholog ass eng Persoun, déi wéinstens e Master an der Psychologie huet an am Beräich vun der Berodung an der Diagnostik tätig ass. E Psycholog kann a verschiddene Beräicher schaffen, z.B. an der klinescher Psychologie, der Entwécklungspsychologie oder der Aarbechts- an Organisatiounspsychologie.

E Psychiater ass en Medeziner, deen eng Spezialisatioun an der Psychiatrie gemaach huet. Am Géigensatz zum Psycholog, huet de Psychiater e Grondstudium an der Medezin gemaach an dierf dowéinst och Medikamenter verschreiwen. Am klinesche Beräich schaffe Psychiater a Psychologen oft innerhalb vun engem Team zesummen.

En Psychotherapeut ass en Psycholog oder Psychiater, deen eng Zousaazausbildung als Psychotherapeut gemaach huet. Dës Ausbildung dauert an der Reegel dräi bis véier Joer a gëtt berufsbegleedend nom Studium vun der Psychologie oder der Medezin/Psychiatrie absolviert. Net all Psycholog oder Psychiater ass och e Psychotherapeut.

D'Psychotherapie ass en Deelgebitt vun der Klinescher Psychologie a beschäftegt sech mam Traitement vu psycheschen kranken Mënschen unhand vun psychologeschen Mëttelen (verbal an averbal Kommunikatioun), heiansdo och a Kombinatioun mat engem medikamentéisen Traitement. Innerhalb vun der Psychotherapie ginn et verschidde Richtungen, z.B. kognitiv behavioral Psychotherapie, persounenzentriert Psychotherapie oder Psychoanalys.

D'ALEP

**Association Luxembourgeoise
des Étudiants en Psychologie**

D'ALEP – Association Luxembourgeoise des Étudiants en Psychologie

Wat ass d'ALEP?

D'ALEP („Association Luxembourgeoise des Étudiants en Psychologie“) gouf 1998 an d'Liewe geruff, a representéiert, wéi de Numm et schonn seet, d'Psychologiestudente vu Lëtzebuerg. D'ALEP ass deemno eng fachspezifesch Studenten associatioun, där hir Memberen op verschiddenen Universitëten Psychologie studéieren. D'ALEP ass e Member vun der ACEL („Association des Cercles d'Etudiants Luxembourgeois“), dem Daachverband vun de lëtzebuerger Studentencercelen, deem och déi sëllege lëtzebuerger Studentencercelen an de verschiddene Studentestied an nach aner national Studentenassociatiounen (z.B. fir d'Fächer Medezin, Ingenieur, Droit a Sciences Economiques et Commerciales) representéiert.

Wat mécht d'ALEP?

D'ALEP këmmert sech em verschidden Aufgaben, mat dem Haaptzil fir d'Schüler an

d'Studenten eng primär Ulafstell bei Froen an Informatiouns versammlungen ze sinn. An dem Kontext organiséiert d'ALEP e puer Evenementer am Joer; dëst sinn ënner anerem eng „Soirée d'Information sur la Psychologie“ a pro Semester zwou bis dräi Visite vu psychologeschen Institutiounen. Een Haaptzil ass et op esou Evenementer de Kontakt tëscht de Studente vum Studiefach Psychologie, zukünfteg Studenten a berufstäteg Psychologen hierzestellen. Dofir probéiere Mir ee gudden Lien tëscht de Studenten an de professionelle Psychologen an hirem Berufsverband, der SLP („Société Luxembourgeoise de Psychologie“), ze fleggen. D'ALEP ass och dobäi fir Schüler, déi sech fir d'Fach interesséieren, ze informéieren, an dat duerch Präsenz op Studieninfoe souwéi der „Foire de l'Etudiant“.

D'ALEP representéiert och Lëtzebuerg bei der EFPSA („European Federation of Psychology Students' Association“), dem Daachverband vun de Psychologiestudenten-Associatiounen an Europa. D'EFPSA bitt wëssenschaftlechen Austausch um europäeschen Niveau a niewebäi sti vill sozial a kulturell Aktivitéiten um Programm un deenen ALEP-Membere sech bedeelege kënnen.

Schüler kuerz virum Studium op der Sich no Informatiounen?

Fir Schüler, déi sech fir d'Fach interesséieren, komme bei der ALEP vill Informatiounen zesummen, déi weiderhëllefe fir säi Studium ze plangen. Psychologiestudente kënnen lech hier Erfarunge weiderginn, déi iwwer offiziell Informatiounen erausginn. D'ganz Joer iwwer kennt Dir eis Froen op eis E Mails-Adress contact@alep.lu eraschécken oder awer Kontakt mat eis iwwer eis Facebooksät

oder eisen Website www.alep.lu ophuelen fir weider Informatiounen ze kréien. Mir hunn ausserdeem eng Facebookgrupp, an der der iech mat anere Memberen, Psychologiestudenten an och berufsstätege Psychologen austausche kënn.

Direkt a Kontakt trieden ass ënner anerem méiglech op der „Soirée d'Information sur la Psychologie“ déi all Joer stattfënn, op der „Foire de l'Etudiant“, op der „Porte ouverte“ vun der Uni Lëtzebuerg, wou mer ee Stand hunn oder awer op enger vun den sëllegen Informatiounsveranstaltungen uechtert Land.

Wat bitt d'ALEP de Psychologiestudenten?

Engem Psychologiestudent bitt d'Memberschaft bei der ALEP d'Méiglechkeet Leit kennen ze léieren, interessant Austausch mat anere motivéierte Studenten an hiren Erfarungen ze maachen an Informatiounen iwwer Stagen an d'Berufswelt ze kréien. Duerch eis Kontakter mat der ACEL, der EFPSA, Psychologen, an der Uni.lu kréie mer vill News

aus der Studenten- a Psychoswelt, déi mer eise Membere weiderschécken. Ausserdeem probéiere mir mat Hëllef vum „Psycho-lo“, eiser Zeitung, ëmmer nei interessant Themen ze bréngen an eise Memberen en breede Spektrum un Informatiounen aus allen psychologesche Beräicher ze bidden.

Als Psychologiestudent/in kanns du Member bei der ALEP ginn! Studéiers du Psychologie an hues Loscht dech ze engagéieren oder ze informéieren? Da mell dech! Den ALEP-Comité sicht och zousätzlech all Joer nei motivéiert Leit, fir nei Projeten an nei Iddien eranzebréngen. Also schwätz eis drop un oder schreif eis eng Mail, wanns de dës flott Erfahrung wëlls maachen!

E Lien tëschent Psychologen a Psychologiestudenten?

Wann Dir als (zukünftigen) Psycholog bereet sidd Psychologiestudenten an de Stage ze huelen an/oder hinnen d'Méiglechkeet ginn äre Service kennen ze léieren, da kënnt Dir lech gär un eis wenden. Ziel soll sinn, Studente beschtméiglechst ob e spéidert Berufsliewe virzebereeden an hinnen ze hëllefen hire Schwéierpunkt ze fannen. Mir maachen och gär Reklamm fir Konferenzen, Tables rondes, Formatiounen, asw.

**ALLES IWVERT DE
PSYCHOLOGIESTUDIUM**

Opbau vum Studium

Op deene meeschten Universitëiten an Héichschoule besteet de Bachelor an der Psychologie aus 6 Semesteren, während deenen 180 ECTS Punkten (och Credits oder Kreditpunkte genannt) gesammelt musse ginn. Nom Bologna-System ass 1 ECTS Punkt den Equivalent vun engem Aarbechtsopwand vu ronn 30 Stonnen. Déi meescht Coursen tendéieren tëschent 3 oder 4 ECTS, wat souwuel de Cours selwer zielt, mä awer och d'Preparatiounen doheem, Hausaarbechten an Examen.

De Bachelor ass op deene meeschten Unien d'selwecht oder zumindest ähnlech opgebaut. Vermëttelt ginn d'Grondlage vun der Psychologie: Datenerhiewung, Statistik, Grondlagefächer wéi Klinesch Psychologie, Sozial oder Entwécklungspsychologie, Neurobiologie an och praktesch Kompetenze wéi Diagnostik a Berodung. Ausserdeem muss op villen Unie während dem Bachelor

en Stage an enger psychologescher Institutioun gemaach ginn. Jee no Uni kann de Schwéierpunkt awer e bëssen variéieren, an et ka sinn, dass Unie entweder méi Wäert op Praxis oder awer Fuerschung a Methodik leen. D'Stonnepläng vu verschidden Unie sinn normalerweis ob de spezifesche Websitten ze fannen, wou Dir lech informéiere kënnt.

*Et ass wichteg dorop hinweisen, dat verschidden Héichschoulen, virun allem am däitschsproochege Raum och Studiegang ubidden, bei deenen een en Bachelor of Arts (B.A.) maache kann. Dësen ass allerdéngs extrem spezifesch a gëtt an der Regel net vun allen Betriber an Institutiounen unerkannt. Et sollt een dowéinst bei der Wiel vun der Uni oder Héichschoul heirobber oppassen.

Hei ënnendrenner fannt der eng Tabell mat engem Standardmodell vun engem Bachelor-Studienplan an der Psychologie:


Grundlagen	
Klinesch Psychologie	Léiere vu Psychopathologie an der Psychotherapie.
Entwécklungspsychologie	Behandele vum Entwécklungsverlaaf vum Mënsch, mat besonneschem Fokus op der KandheetSENTWÉCKLUNG.
Perséinlechkeets- an differentiell Psychologie	Ausenansetze mat individuellen Ënnerscheeder tëschent Mënschen a Behandele vun de verschiddene Perséinlechkeetseegenschaften.
Sozialpsychologie	Behandele vum Behuele vum Mënsch a soziale Situatiounen, z.B. als Deel vun engem Grupp oder als Individuum vis-à-vis vun enger anerer Grupp.
Kognitiv Psychologie	Kenneléiere vu kognitive Prozesser an der Informationsveraarbechtung beim Mënsch.
Biologesch Grundlagen	
Biologie / Neurowëssenschaft	Léiere vu biologesche Mechanisme hannert psychesche Prozesser an hiren Zesummenhäng mat dem mënschleche Behuelen.
Praktesch Kompetenzen	
Diagnostikseminarer	Léiere vu Kompetenze fir d'Erstelle vun Diagnosen an d'Duerchféiere vun Tester an de verschiddenen Uwendungsberäicher sou wéi d'Féiere vu psychologesche Gespréicher.
Stage	De Stage soll engem d'Méiglechkeet ginn, en Abléck an déi praktesch Uwendung vun der Psychologie ze kréien. E kann normalerweis souwuel am Praxis-, wéi och am Uwendungsberäich absolviert ginn.
Methodologie	
Methodologie	D'Methodologie beschäftegt sech virun allem mat Theme wéi Forschungsmethodik, Testtheorie, Testkonstruktioun an Ethik.
Statistik	D'Inferenzstatistik beschäftegt sech mat der Hypothesentestung duerch Wahrscheinlechkeetsaussoen.
Bacheloraarbecht	

Wann een d'Bachelors ausbildung erfollegräich hannert sech bruecht huet, kritt een een Diplom an et huet een den Titel Bachelor of Science (B.Sc.) in Psychology*.

Fir als Psycholog schaffen ze kënnen, geet dësen Ofschloss allerdéngs net duer. Heifir ass de noutwennegen Ofschloss en Master of Science (M.Sc.) in

Psychology deen normalerweis nach eemol aus 120 ECTS Punkten an enger Studienzäit vu 4 Semestere besteet. Fir de Masterstudiegang wielt een sech en Schwéierpunkt (z.B. Klinesch Psychologie, Entwécklungspsychologie oder Aarbechts- an Organisatiounspsychologie) an deem een sech fir de spéidere Beruff.

sech bruecht huet, kritt een en spezialiséiere well. D'Auswahlmeiglegkeete fir d'Spezialisatioun si grouss a kënne jee no Universitéit oder Héichschoul staark variéieren. Op villen Unien an Héichschoule sinn d'Platze fir de Master limitéiert oder un gutt Notten am Bachelor gebonnen. Dowéinst soll een sech am Beschte schonn während dem Bachelor gutt informéieren. Schafft een spéider gären als Psychotherapeut, kennt dann nom Master nach eemol en berufsbegleedende Studium vun 3-4 Joer op een zou. Wann Dir d'Ausbildung vun der Psychotherapie gären zu Lëtzebuerg maacht, ass et obligatoresch e klinesche Master absolvéiert ze hunn.





Lëtzebuerg

Zougangsvoraussetzungen:

Diplôme de fin d'études secondaires classiques (fréier : Diplôme de fin d'études secondaires)

Diplôme de fin d'études secondaires générales (fréier : Diplôme de fin d'études secondaires techniques)

Aschreiwung:

De Bachelor an der Psychologie op der Universitéit Lëtzebuerg (Uni.lu) ass zougangs beschränkt. All Joer kënnen bis zu 80 Studenten zougelooss ginn, en duerchschnëttlech Joer ëmfaasst allerdéngs ëm déi 65 Studenten. Dës Zuel variéiert vu Joer zu Joer an hängt dovun of, wéi vill Kandidaten der Studiendirektioun no de Kriterien entsprechen. D'Immatrikulatioun gëtt op Basis vun enger Lettre de motivation virgeholl, déi all zukünftege Student mat der Umeldung muss areeche. Anescht wéi op verschidden aneren Universitéiten villäicht üblech, gëtt hei eng méi perséinlech Ausernanersetzung mam zukünftege Studium an spéideren Beruff erwaart. Um Site vum Studiegang selwer gëtt

et derzou eng kleng Iwwersiicht wéieneg Punkten an der Lettre de motivation ofdecke sollt. Donieft ass et och méiglech, dat ee fir en zousätzlech Virstellungsgespräch erageruff gëtt.

D'Online Aschreiwungen gi vu Mëtt Abrëll bis Mëtt Juli an d'Deadline fir de kompletten Dossier eran ze reechen ass an der Regel virum 1. August. D'Virstellungsgesprécher kënnen ofhängeg vun der Quantitéit vun Demanden schonns am Mee ufänken a bis Ufank September goen. Dëse Studium kann een nemme fir d'Rentrée am September ufänken. De Käschtepunkt läit hei bei 400 Euro fir dat éischt an zweet Semester

an 200 Euro fir all Semester duerno.

Weider Informatiounen:

De Bachelor an der Psychologie op der Universitéit Lëtzebuerg ass dräisproocheg (Däitsch, Franséisch, Englesch) mam Schwéierpunkt um Däitschen, wat spéider virdeelhaft fir en Masterstudium, respektiv bei der Aarbechtssich ka sinn. En weidere Virdeel sinn déi kleng Klassen, duerch déi een en ganz enke Kontakt mat senge Kommilitonen a Professeure krit. De Studiengang selwer ass am Fuerschsberäich staark empiresch-wëssenschaftlech ausgeriicht a motivéiert Studenten hunn d'Méiglechkeet als Studentesch Hëllefskraaft op der Uni täteg ze ginn an Erfarungen ze sammelen. Eng weider Besonneschkeet vun all Bachelor Studiengang vun der Uni Lëtzebuerg ass en obligatorescht Auslandssemester. D'Studente wielen sech während dem zweete Semester fir hiert drëtt oder féiert Semester eng vu villen Destinatiounen aus, wou si dann

hire Studium fortsetzen.

Zur Auswiel sti Platzen a ganz Europa, mä awer och am Nordamerikanesche Raum (USA, Kanada), Südamerika (Chile, Uruguay, Mexiko), Asien (Hongkong, Japan, Südkorea), a säit kuerzem och Australien. Dëst gëtt vu ville Studenten als eng eemoleg Geleeënheet beschriwwen, fir an hirem Studium weider Perspektiven ze sammelen. Och gëtt et finanziell vun der Universitéit ënnerstëtzt, souwuel wat d'Aschreiwung ugeet, wéi och d'Liewen op der Platz, fir dass all Student vun deem Programm profitéiere kann.


Säit dem 1. August 2018 gëllt op der Uni Lëtzebuerg eng nei Reegelung: während dem éischte Joer muss all Student vu 60 méiglechen ECTS 43 packen, fir zukünfteg weider kënnen ze studéieren. All Student deen tëschent 30 an 42 ECTS ofschléisst muss mat der Studiendirektioun ofklären, wéi eng Coursen een dat Joer dorobber beleee ka fir dee „Réckstand“ opzeschaffen. Sollt ee manner wéi 30 ECTS vu 60 méiglechen am éischte Joer

ofschléissen, gëtt een
exmatrikuléiert.

Links:

Bachelor Uni.lu: [www.en.uni.lu/
studies/flshase/
bachelor_en_psychologie_acade
mique](http://www.en.uni.lu/studies/flshase/bachelor_en_psychologie_academique)

**Erasmus am Bachelor op der
Uni.lu:** [www.de.uni.lu/studierende/
mobilitaet/outgoing_students/
erasmus_studium](http://www.de.uni.lu/studierende/mobilitaet/outgoing_students/erasmus_studium)





Däitschland



Zougangsviraussetzungen:

Diplôme de fin d'études secondaires classiques (fréier :

Diplôme de fin d'études secondaires)

Diplôme de fin d'études secondaires générales (fréier :

Diplôme e fin d'études secondaires techniques)

Aschreiwung:

Aktuell deet sech vill am Psychologie-Studium an Däitschland. Opgrond däers sollt et ëmmer den éischten Schrëtt sënn sënn, sech bei der jeeweilegen Universiteiten an Héichschoulen ze informéieren, wat genau fir eng Bewerbung gemaach muss ginn. Déi meescht Universiteiten an Héichschoulen huelen um sougenannten „Dialogorientierten Serviceverfahren“ („DoSV“) deel. Dat bedeit, datt een sech fir eng Bewerbung als éischt op der Plattform hochschulstart.de registréieren muss. Dobäi kritt een eng Bewerber Identifikations-Nummer

(Bewerber-ID) an eng Bewerber Authentifizierungs-Nummer (BAN). Des brauch een fir déi wieder Bewerbung op den Universiteiten an Héichschoulen selwer. Fir verschidden Universiteiten muss een sech statt op hochschulstart.de op UniAssist umellen an mëscht seng Bewerbung direkt op dëser Plattform. UniAssist ass zoustänneg fir eng extern Préiwung vun den Diplomer fir international Studéierend. D'Käschte fir eng éischt Aschreiwungsdemande op der Plattform si 75€, a jee 30€ fir all weider Demande. Bei deenen meeschten Universiteiten leit den Bewerbungszeitraum tëscht dem 1. Juni bis den 31. Juli.

Opgepasst, verschidden Universitéite verlaangen eng Däitsch Iwwersetzung vun dem Diplom an den Zensuren. De Lëtzebuerger Educationnsministère kann ausserdeem en Dokument ausstellen, wat de Niveau vun den Däitschkenntnisser am europäesche Referenzkader bestätegt, fir dass keen extra Däitschtest noutwenneg ass (Kontakt: Madame Martine Kohnen-Fohl; Tel.: 247-85168; Mail: martine.fohl@men.lu).

Däitschland ass bekannt fir säin héijen Numerus Clausus (NC) wat d'Psycho ubelaangt. Déi allermeescht staatlech Universitéiten an Héichschoule verlaangen en NC vun 1.0 bis 1.6., wat bedeit, dat een am Premières-Examen oft mindestens eng Moyenne vun 48 oder méi muss hunn, fir ugeholl ze ginn. Eng Iwwersiicht iwwer déi verschidden NC pro Uni fënnt een z.B. op <https://www.psychologie-studieren.de/infos/nc/#nc-tabelle>. Erreecht een dës Moyenne net, huet een, mat en bësse Chance, nach d'Méiglechkeet iwwert

d'Ausländerquoten (déi meescht Unie verflichten sech, eng gewëss Unzuel un auslännesche Studenten unzehuelen), iwwer d'Nachrückverfahren oder iwwert d'Unzuel un „Wartesemester“

eranzekommen. Bei verschiddenen Universitéiten an Héichschoulen ginn awer och Stagen oder eng Aarbecht an bestëmmten Beräicher bei der Studienplatzvergab

berécksiichtegt. Net all Studenten, déi am Haaptauswahlverfahre vun der Uni ugeholl goufen, huelen am Endeffekt hier Studieplaz un. Sou kënnt et dozou dass nom Haaptauswahlverfahren nach en Nachrückverfahre gemaach gëtt, an dem déi Studieplazen, déi doduerch rëm fräi gi sinn, nei besat ginn. Meeschtens ginn déi Bewerber, mat der nächst beschter Nott ugeholl, munchmol entscheet awer och d'Lous, dat ass op all Uni bëssem anescht gereegelt. Jenodeem muss een sech och no enger éischter Ofso selwer, aktiv fir d'Nachrückverfahren umellen, munchmol geschitt dat awer och automatesch. Déi genee Detailer dozou muss ee bei der

jeeweileger Uni nofroen. Ënner Wartesemester versteet een d'Unzuel un Semesteren, déi vergaange sinn, säit een de Schoulofschloss gemaach huet a während deenen een NET studéiert huet an och NET op enger Uni oder Héichschoul ageschriwwen war. Jee no Uni leie Viraussetzungen heifir allerdéngs bei 9 bis 16 Semesteren, wat dem Equivalent vu 4,5 bis 8 Joer entsprécht.

D'Unien zu Freiburg, Heidelberg, Mannheim, Tübingen an Ulm féieren ab dem Wantersemester 2020/21 en neit Studentenauswahlverfahre fir de Bachelor an der Psychologie an der STAV-Psych. Nieft dem, fir des Unien, OBLIGATOIRESCHEN Online Self-Assessment kann een elo och FRÄIWËLLEG de STAV Psych Studieneegnungstest maachen. Duerch dësen Test kenne Bewerber hier Chance op eng Studieplaz op dësen Unien erhéijen. Den Test gëtt an der jeeweilege Stiet ugebueden a kascht 100€ Teilnahmegebühr. Umellen fir den Test muss een sech teschent dem 7. Januar bis den 14. Februar. Weider Infos zu den Eckdaten an der Umeldung

fënnt een op <https://www.osa-psych.de/>.

Weider Informatiounen: Eng Alternativ zu ëffentlechen Universitëten an Héichschoule mat NC si privat Héichschoulen. Dës setzen oft keen NC viraus, dofir sinn d'Studiegebühren an den allermeeschte Fäll awer vill méi héich (3000 Euro pro Semester a méi). D'Lëscht mat den unerkannte Privat héichschoulen an Däitschland fënnt een an der CEDIES Broschür Psychologie/ Psychotherapie (ënne verlinkt). Eng aner Alternativ ass de Fernstudium. D'Fernuniversität Hagen, déi eenzeg staatlech Fernuniversitéit an Däitschland bitt beispillsweis en B.Sc. of Psychology un, dee genau sou unerkannt ass, wéi en Bachelor op enger Präsenzuni. D'Studiegebühren an Däitschland kënnen jee no Uni variéieren a leien an der Moyenne bei em déi 300 Euro pro Semester.

Beim Choix vun enger Uni oder Héichschoul an Däitschland ass de Studienführer vun der „Deutsche Gesellschaft für

Psychologie Studiëgämg
 unerkannt sinn a wat fir eng net.
 Den zweete Beruffsverband vu
 Psychologinnen a Psychologen,
 de „Berufsverband Deutscher
 Psychologinnen und
 Psychologen“ (BDP) huet op
 sengem Internetsite www.bdpverband.de och esou eng Lëscht.
 Ween teste wëll, ob de
 Psychologiestudium eppes fir hien
 ass, kann dat iwwert ee vun de
 sëllegen OnlineSelf
 AssessmentTester vun däitschen
 Héichschoule maachen. Villäicht
 muss et guer net ëmmer Psycho
 si – Fächer wéi Kommunikatiouns
 a Politik wëssenschaften,
 Wirtschafts wëssenschaften,
 Ergotherapie oder Sozial
 Aarbecht enthalen z.B. och zum
 Deel Fächer aus der Psychologie.

Links

Homologatioun an Umeldung fir 170
 Universiteiten an Héichschoulen a ganz
 Däitschland: www.uniassist.de

Vum DGPS unerkannte Psychologie
 Studiëgämg an Informatiounen iwwert den
 Psychologiestudium:

**[https://www.dgps.de/psychologie
studieren/studienorte](https://www.dgps.de/psychologiestudieren/studienorte)**

Vum BDP unerkannte Psychologie

Studiëgämg:

**[https://www.bdpverband.de/
profession/ausbildung/
studiengangslisten](https://www.bdpverband.de/profession/ausbildung/studiengangslisten)**

SelfAssessment Psychologiestudium
 DGPS :

**[https://www.dgps.de/psychologie
studieren/infos-zum-studium/self
assessment](https://www.dgps.de/psychologiestudieren/infos-zum-studium/selfassessment)**

‘Studieren in Deutschland’ vum CEDIES

**[https://mengstudien.public.lu/fr/
etudier-etranger/allemande.html](https://mengstudien.public.lu/fr/etudier-etranger/allemande.html)**

Broschür ‘Psychologie/Psychotherapie’
 vum CEDIES

**[https://mengstudien.public.lu/fr/
publications/sante-social/
psychologie.html](https://mengstudien.public.lu/fr/publications/sante-social/psychologie.html)**

STAV-Psych:

**[https://cip.dmed.uni-heidelberg.de
/ stavp-info/](https://cip.dmed.uni-heidelberg.de/stavp-info/)**

Schwäiz



Zougangsvoraussetzungen:

Diplôme de fin d'études secondaires classiques (fréier:
Diplôme de fin d'études secondaires); Sektione B/C/D/G.

Aschreiwung:

D'Sektione A, E an F vum Diplôme de fin d'études secondaires classiques, den Diplôme de fin d'études secondaires générales an den Diplôme de technicien ginn NET unerkant, well se net mat der gymnasialer Matura an der Schwäiz gläichgestallt sinn (d'"Gymnasiale Matura" ass fir d'Schwäizer d'Kondition fir op enger Universitéit ugeholl ze ginn). Persounen mat engem unerkantem lëtzebuergeschem Lycéesofschloss, deen net mat der Schwäizer gymnasialer Matura gläichgestallt ass, hunn eventuell d'Méiglechkeet iwwert den ECUS (Examen Complémentaire des Hautes Ecoles Suisses) awer eng Plaz op enger schwäizer Universitéit ze kréien. Dëst gëllt et, am Verlaf vun der Umeldungsprozedur, mat

der jeeweileger Universitéit ofzeklären (d'Universitéit muss ee fir deen Examen umellen). Ab der Rentrée 2020-2021 gëtt fir de Psychologiestudium an der Schwäiz zousätzlech e Studienplatznachweis (Certificat d'admission) fir de Bachelor an der Psychologie op der Universitéit Lëtzebuerg gefuerdert. D'Universitéit Lëtzebuerg stellt op Ufro (via E mail op seve.admission@uni.lu) en Certificat d'admissibilité aus, dee beseet, dass een am Prinzip eng Plaz op der Uni Lëtzebuerg huet. Je no Universitéit an der Schwäiz muss een allerdéngs ofklären, ob en Certificat d'admissibilité (et ass een theoretesch ugeholl) duer geet, oder ob en Certificat d'admission (et ass een tatsächlech ugeholl) areeche muss.

Aschreiwung:

D'Aschreiwung fir de Psychologiestudium gëtt iwwert eng Online-Umeldungsprozedur ofgewéckelt, déi jee no Uni liicht variéiere kann. Nieft dem Umeldungsformular muss ee generell och weider Dokumenter wéi en Liewenslaf, Kopia vum allen Zensur vu 1ère bis 3e oder souguer 4e (opgepasst, et muss Copies conformes sinn!) an heiansdo och eng Lettre de motivation erareeche. Ier den Umeldungsdossier traitéiert gëtt, muss eng Umeldungsgebühr iwwerwise ginn (opgepasst et handelt sech dobäi net em d'Immatrikulatiounsgebühren; dës falen eréischt un, wann een op Basis vu sengem Dossier ugeholl gouf!).

D'Umeldungsfrist fir d'schwäizer Universitéiten ass relativ frei am Joer a geet normalerweis vum Ufank Februar bis Enn Abrëll.

Weider Informatiounen:

Dat éischt Joer am Bachelor an der Psychologie op all de schwäizer Universitéite gëtt Propädeutikum oder Assessmentstufe genannt.

Alleguer d'Examen vum Propädeutikum muss gepackt ginn, ier een am 3. Semester dierf weidermaachen. Normalerweis dierf een des Examen just eemol widderhuelen (an enger zweeter Sessioun e puer Wochen duerno). Packt een de Propädeutikum net, gëtt een exmatrikuleiert a fir de Psychologiestudium an der kompletter Schwäiz gespaart.

Englesch spillt eng wichteg Roll am Studium an der Schwäiz. Vill Texter an Artikelen mussen op Englesch gelies, verstanen a geschriwwen ginn. Ausserdem gi verschidde Virlesungen a Seminare op Englesch ugebueden.

Op der Universitéit Fribourg gëtt de Psychologiestudium souwuel monolingual (Däitsch oder Franséisch), wéi och bilingual (Däitsch a Franséisch) ugebueden. Dës gëtt dann och sou um Diplom vermerkt.

De Studium an der Schwäiz ass gemooss un deem an anere Länner relativ deier. Et muss ee pro Semester mat Studiengebühren vum 800 – 1000

CHF rechnen.

Links:

Informationen zu Zulassungsbedingungen
von den schweizer Universitäten an
Hochschulen:

www.swissuniversities.ch

ECUS: Examen Complémentaire des
Hautes-Ecoles Suisses: **<http://>**

www.ecus-edu.ch/

Offiziell schweizer Informationsportal für
Berufs- und Studienberatung:

www.berufsberatung.ch

CEDIES-Broschüre iwwert de Studium an
der Schweiz: **[https://cedies.public.lu/fr/
publications/differents-pays-etudes/
etudier-suisse/etudier-suisse.html](https://cedies.public.lu/fr/publications/differents-pays-etudes/etudier-suisse/etudier-suisse.html)**



Éisträich

Zougangsvoraussetzungen:

Diplôme de fin d'études secondaires classiques (fréier : Diplôme de fin d'études secondaires)

Diplôme de fin d'études secondaires générales (fréier : Diplôme de fin d'études secondaires techniques)

Bestoe vum Eignungstest vun der Uni/ Héichschoul (Käschten: 50€)

Aschreiwung:

De Bachelor an der Psychologie an Éisträich ass zougangs beschränkt. Et gëtt zwar keen Numerus Clausus wéi an Däitschland, kuerz virum Ufank vum éischte Wantersemester muss een allerdéngs en Eignungstest schreiwen. Den Eignungstest fënnt landeswäit an zäitgläich an de jeeweilegen Universitätsstied statt. Op Basis vun de Resultater an deem Test gëtt dann decidéiert, wien fir de Studium zougelooss gëtt, a wien net. Den Test ass standardiséiert a baséiert op engem Lehrbuch, dat een sech am Virus besuerge sollt. Wann ee Psychologie an Éisträich studéiere well, da muss ee sech bei der Umeldung fir eng Uni entscheeden (Bsp. Wien).

De Studium fänkt den 1. Oktober (Wantersemester), bzw. den 1. Mäerz (Summer semester) un. Well de Studium an Éisträich zulassungs beschränkt ass, ass d'Umeldungsfrist schonn tëscht dem 01. Mäerz an dem 15. Juli. D'Bewerbungsfriste kënnen je no Universitéit variéieren. Mir recommandéieren dowéinst, sech frei genuch ze informéieren. D'Studiegebühre leien an der Regel bei 350 bis 400 Euro pro Semester.

Weider Informatiounen: Op verschiddenen Universitéiten gi während der grousser Vakanz Kueren ugebueden, déi een op den Eignungstest preparéieren.

An Éisträich gëtt et am Bachelorstudium an der Psychologie keng sougenannten Ausländerquote, d.h. Éisträicher an Net-Éisträicher gi gläichermoossen opgrond vun hiren Testresultater ugeholl. Jee no Universitätsstad leien d'Liewenserhaltungskäschte bei 700-1000€ pro Mount.

Links:

Informationen iwwert den Psychologiestudium an Éisträich:

www.psychologie-studieren.de/infos/auslandsstudium/oesterreich/
<https://www.studieren.at/studien/psychologie/>



Frankräich

Zougangsvoraussetzungen:

Diplôme de fin d'études secondaires classiques (fréier : Diplôme de fin d'études secondaires)

Diplôme de fin d'études secondaires générales (fréier : Diplôme de fin d'études secondaires techniques)

Aschreiwung:

Säit 2018 gi sämtlech Studiëplazen op franséschen Universitëiten an Héich-schoulen iwwert d'Plattform „Parcoursup“ verdeelt (www.parcoursup.fr/). Den Umeldungszeitraum geet normalerweis vum 20. Januar bis de 15. März (opgepasst, d'Deadline variéiert liicht vu Joer zu Joer). Fir d'Umeldung muss een eng Lettre de motivation op d'Internet-plattform eroplueden, verschidden Universitëiten an Héichschoule fuerderen ausserdeem e komplette schrëftlechen Dossier. Sämtlech Dokumenter müssen op Franséisch eragereecht ginn. Fir d'Rentrée 2018-2019 ass et ausserdeem elo esou, datt all Student d'Contribution Vie Etudiante et Campus (CVEC)

bezuele muss, ier en sech op enger Uni oder Héichschoul umellt. Dës Formalitéit kascht jiddereen 90 Euro. Ausname gëlle fir :

- Boursiers vum CROUS
- Boursiers vum franséische Staat
- Studenten am BTS, DMA, Formations comptables
- Erasmus Studenten
- Flüchtlingsstudenten

All weider Informatiounen fannt der um Internetsite:

www.cvec.etudiant.gouv.fr/
Weider Informatiounen:

De Studium a Frankräich gëtt net a Semester, mä an Joer ënnerdeelt. D'Regelstudienzeit leit bei 3 Joer fir d'Licence (Bachelor) an 3 Joer fir den

Master. Fir den Ofschloss vum Studium muss een ausserdeem e beruufsqualifizierende Stage am psychologesche Beräich absolvéieren.

A Frankräich kann een üblecherweis nëmmen am Wantersemester mat engem Studium ufänken; d'Studiëjoer geet vu September bis Juni.

D'Studiengebühre fir d'Licence (Bachelor) op ëffentlechen Universitëiten leien normalerweis bei 180 Euro pro Joer an fir den Master bei 250 Euro. Bei privaten Héichschoulen leien dës Käschte bei 400 Euro a bei Grand-Écoles bei 800 bis 5000 Euro pro Joer. Wärend dem Studium kann ee verschidde Schwéierpunkte selwer festleeën, besonnesch während dem Master (z.B. Erzéiung, Gesondheet, Aarbecht, Psychologie an Gesellschaft an op verschiddenen Universitëiten och Psychoanalyse). Et muss een allerdéngs oppassen, well net all Masterofschloss dozou berechtegt, den offiziellen Titel „Psycholog“ ze droen.

De franséischen Universitëits system huet anescht wéi deen am däitschsproochege Raum e fixe Stonneplang (ähnlech wéi am Lycée). An der Reegel huet een dowéinst méi Virlesunge pro Woch an och méi Examen um Enn vum Semester. Ee Virdeel vun dësem System ass allerdéngs, dat d'Semester méi kuerz an d'Vakanzen méi laang wéi am däitsch-sproochege Raum sinn

Links:

Internetplattform Parcoursup fir d'Umeldung op franséischen Universitëiten an Héichschoulen:

www.parcoursup.fr/

CVEC: www.cvec.etudiant.gouv.fr/ Le Cercle Psy – Informatiounen iwwert eng Rëtsch franséisch Universitëiten, wou ee Psycho studéiere kann: **www.le-cercle-psy.scienceshumaines.com/universites-france**

Franséischt Studentewierk:

www.cnous.fr



Belsch

Zougangsviraussetzungen:

Diplôme de fin d'études secondaires classiques (fréier : Diplôme de fin d'études secondaires)

Diplôme de fin d'études secondaires générales (fréier : Diplôme de fin d'études secondaires techniques)

Aschreiwung:

Virun der Umeldung soll een eng demande d'équivalence bis den 15. Juli beim Cedies ufroen. Den Umeldungszäitraum geet ongeféier vum 24. Juni bis den 30. August. Verschidden Universitéite bidden an deem Zäitraum Informatiouns sätzungen iwwert de Choix vum Studium, wéi och spezifesch Sätzungen zu „Doutes de dernière minute“ un. Konkret Informatiounen fannt der op den Internetsäite vun de verschiddenen Universitéiten.

D'Umeldung ka ganz einfach online iwwert den Internetsite vun der jeeweileger Uni ofgewéckelt ginn. An der Reegel muss een sech heifir en Account uleeën, e Formular ausfüllen an

da Kapië vu verschiddenen Dokumenter wéi Carte d'Identité, Diplom a Passfoto eroplueden. An engem nächste Schrëtt muss een dann, nodeems een d'Zouso vun der Uni krut, d'Studiengebühre bezuelen (dës leie jee no Uni tëscht 800 an 900 Euro pro Joer).

Weider Informatiounen:

De Studium kann ee normalerweis just am Wantersemester ufänken.

D'Opdeelung vum Studiëjoer ass jee no Region wou d'Universitéit oder Héichschoul läit, ënnerschiddlech: an Flandern an an der däitschsproocheger Belsch ass d'Joer an zwee Semester ënnerdeelt, an der Wallonie normalerweis an dräi

Trimester.

Tëscht August a September ginn op verschiddenen Universitëiten an Héichschoule virum Ufank vum Bachelor fachspezifesch Virbereedungscoursen ugebueden.

An der Belsch sinn d'Studienjoergäng oft immens grouss, well et keen Numerus Clausus an och keen anert Auswielverfahre gëtt. Dowéinst gëtt um Enn vum éischte Joer oft mat villen an detailléierte Prüfungen gesift.

Links:

LePsychologue.be – Informatiounen
iwwert eng Rëtsch franséisch
Universitëiten, wou ee Psycho studéiere
kann: [https://www.lepsychologue.be/
articles/faculte-psychologie.php](https://www.lepsychologue.be/articles/faculte-psychologie.php)



Holland

Zougangsvoraussetzungen:

Diplôme de fin d'études secondaires classiques (fréier : Diplôme de fin d'études secondaires)

Diplôme de fin d'études secondaires générales (fréier : Diplôme de fin d'études secondaires techniques)

Aschreiwung:

De Bachelor an der Psychologie ass op deene meeschten Universitëiten an Holland zougangsbeschränkt. Dëst bedeit, dass et sech meeschtens ëm e "Numerus fixus programme" handelt an, dass just eng gewëssen Zuel un Studente geholl ginn. Umelle kann een sech iwwer Studielink ab dem 1ten Oktober bis de 15ten Januar (www.studielink.nl). Iwerdeems verlaangen déi mëschten Unien een Opmam-Examen. Et kann een sech gläichzäiteg fir 3 Unien unmellen, an den Opmam-examen ass valabel fir allen 3 Unien-/ . Obwuel e 1iëres Diplom duergeet, gëtt op verschiddene Säite verlaangt, dass ee genuch Mathematik Kenntniss er nowise kann.

Eng Sektoun op der ee Biologie als Fach hat, ass heiansdo och vu Virdeel.

Weider Informatiounen:

An Holland kann e säi Bachelor an der Psychologie op Englesch oder op Hollännesch maachen. Wann een de Bachelor op Englesch mécht, muss een oft gutt Engleschkenntniss am Schreiwem, Liesen a Schwätzen nowise kënnen. Dëst kann een unhand vun engem Test wéi dem TOEFL oder den IELTS maachen.

D'Käschte leie jee no Universitët meeschtens bei 2000 Euro d'Joer. Déi verschidden Universitëte bidden ee Bachelor of Science (B.Sc) an ee Bachelor of Arts (B.A) un.

Links:

Umeldungsplattform fir hollännesch

Universitëiten an Héichschoulen:

www.studielink.nl

Informatiounen iwwert de

Psychologiestudium an Holland:

www.studyin.nl

Linksammlung

Universititen an Heich- schoulen

Letzebuerg (Uni.lu):

Bachelor en Psychologie:

[www.en.uni.lu/studies/flshase/
bachelor_en_psychologie_academique](http://www.en.uni.lu/studies/flshase/bachelor_en_psychologie_academique)

Master en Psychologie:

[www.en.uni.lu/formations/flshase/
master_in_psychology_academique](http://www.en.uni.lu/formations/flshase/master_in_psychology_academique)

Master en Psychotherapie:

[www.en.uni.lu/formations/flshase/
master_in_psychotherapy_professionnel](http://www.en.uni.lu/formations/flshase/master_in_psychotherapy_professionnel)

Erasmus Uni.lu:

[www.de.uni.lu/studierende/mobilitaet/
outgoing_students/erasmus_studium](http://www.de.uni.lu/studierende/mobilitaet/outgoing_students/erasmus_studium)

Daitschland:

Studienfuhrer der Deutschen
Gesellschaft fur Psychologie (DGS):

www.studium.dgps.de/startseite/

Studienfuhrer der Deutschen
Gesellschaft fur Psychologie (BDP):

[http://www.bdp-verband.de/beruf/ba
ma/clips/anerkannt.pdf](http://www.bdp-verband.de/beruf/bama/clips/anerkannt.pdf)

„Psystudents.org“(divers Informationsen
iwwert Studium an Beruff):

www.psystudents.org/

[www.facebook.com/groups/
psychologennetzwerk/?](http://www.facebook.com/groups/psychologennetzwerk/?hc_location=ufi)

[hc_location=ufi](http://www.facebook.com/groups/psychostudien/?hc_location=ufi)

[www.facebook.com/groups/
psychostudien/?hc_location=ufi](http://www.facebook.com/groups/psychostudien/?hc_location=ufi)
[www.facebook.com/groups/
psybuecher/?hc_location=ufi](http://www.facebook.com/groups/psybuecher/?hc_location=ufi)

Schwaiz:

Universitat Basel:

[www.psychologie.unibas.ch/de/
home/](http://www.psychologie.unibas.ch/de/home/)

Universitat Fribourg

www.unifr.ch/psycho/de

Universitat Bern

www.psy.unibe.ch/

Universitat Zurich

www.psychologie.uzh.ch/de.html

eisterraich:

Universitat Wien:

www.psychologie.univie.ac.at/

Universitat Innsbruck:

www.uibk.ac.at/psychologie/

Universitat Graz:

www.psychologie.uni-graz.at/

Belsch:

Le Cercle Psy:

www.le-cercle

**psy.scienceshumaines.com/
universites-belgique**

Frankräich:

Le Cercle Psy:
**www.le-cercle
psy.scienceshumaines.com/
universites-france**

Holland:

Umeldungsplattform fir hollänesch
Universitëten an Héichschoulen:
www.studielink.nl
Informatiounen iwwert den Psychologie
studium an Holland:
www.studyin.nl

**Studentenorganisatiounen an
staatlech Institutiounen:**

Association Luxembourgeoise des
Etudiants en Psychologie (ALEP) :
www.alep.lu
European Federation of Psychology
Students' Association (EFPSA) :
www.efpsa.org/
ACEL:
www.ancel.lu/
ACEL – Guide du Futur Etudiant:
**www.ancel.lu/publications/guide-d
u futur-etudiant**
ACEL – Guide du Futur Diplômé :
**www.ancel.lu/publications/guide-d
u**

du-futur-diplome

Cedies :
**www.cedies.public.lu/content/da
m/ cedies/fr/publications/dossiers
metiers/sante-social/psychologue
/ brochure.pdf**

Berufsverbänn:

Société Luxembourgeoise de
Psychologie (SLP):
www.slp.lu
Deutsche Gesellschaft für Psychologie
e.V. (DGS):
http://www.dgps.de/
European Federation of Psychologists'
Associations (EFPA) :
www.efpa.eu
American Psychological
Association (APA):
www.apa.org/

WICHTEG fir all déi, déi Psychotherapeut*in am däitschsprouchege Raum wëlle ginn:

Aktuell gëtt eng Reform vum Psychologiestudiegang an Däitschland ëmgesat. Des Reform gesäit vir, datt een net wie bis well no engem Bachelor en Master mat genuch klineschen ECTS-Punkte maache muss, fir dann eng Ausbildung zum Psychotherapeut*in ze maachen, déi em 20.000 € kascht, mee no engem polyvalente Bachelor en méi spezifesche Master a klinescher Psychologie a Psychotherapie. Dëse Master wäert mat enger Approbatioun ofgeschloss ginn. Nom Master ass virgesinn, datt een dann eng WEIDERbildung am ambulanten oder stationäre Beräich maache muss, fir datt ee mat der Krankekeess ofrechnen dierf. Des Weiterbildung wäert viraussichtlech besser bezuelt ginn. Sait 2022 huet sech de Bachelor vun der Universitéit Lëtzebuerg dem Gesetz ugepasst, an dem ginn och verschidden Universitëiten an den aneren däitschsprouchege Länner no.

Dëst ass wichteg fir déi Léit, déi virun 2020 ugefaangen hunn ze studéieren, deemno am ale System sinn, a Psychotherapeut*in wëlle ginn. Si befannen sech an der Transitionnsphasen a müssen dofir bis 2032 d' PsychotherapeutenAUSbildung (nom Master) meeschteren. Allerdéngs gëtt et och ëmmer d'Méiglechkeet no egal wei engem Master Formatiounen ze maachen, déi den Uspréch vun der Institutioun gerecht ginn, bei deenen ee schafft. Et dierft een sech an dem Fall just net Psychotherapeut*in nennen.

IMPRESSUM

Éditeur: Association Luxembourgeoise des Étudiants en
Psychologie (ALEP) a.s.b.l.
11, Porte des Sciences
L-4366 Esch-sur-Alzette

Email: contact@alep.lu
Website: www.alep.lu

Tirage: 200 exemplaires

Réalisation: Autisme Luxembourg a.s.b.l.
1, Jos Seyler Strooss,
L-8522 Biekerech

Sponsor: BGL BNP Paribas, Group Psylux SA,
Résilience Institute Luxembourg

Dës Zäitschrëft gouf op Recyclingspabeier gedréckt.



ALEP
ASSOCIATION LUXEMBOURGEOISE
DES ÉTUDIANTS EN PSYCHOLOGIE



ACEL- De Studentevertrieder

Mir sinn fir dech do!
Virun, während an no dengem Studium!



INFORMATION

Mam GUIDE DU FUTUR ÉTUDIANT hues du all d'Infoen fir de Start vun dengem Studium. Während dengem Studium steet dir dann DE STUDENTEGUIDE zur Säit. De GUIDE DU FUTUR DIPLÔMÉ hëlleft dir fir däin Wee an d'Aarbechtswelt ze erliichen. Dës dräi Broschüren fenns du ënner: www.acel.lu/publikatiounen.

Beim STUDENT FIR 1 DAG weise mir dir deng zukünfteg Uni.



REGROUPEMENT

Mir organiséieren DE STUDENTEBAL, dee gréissten Open-Air Bal fir Studenten, ewéi och den TOURNOI DE NOËL. Allebéid bréngen déi iwwer 40 Cerclen an hier Memberen zu Lëtzebuerg zesummen.

REPRESENTATIOUN

Mir sinn am reegelméissegem Kontakt mat de Ministeren an verrieden deng Rechter an Interessen. Mir probéiere fir all potentielle Studenteproblem eng Léisung ze fannen an dech beschtméiglech ze beroden.



@ contact@acel.lu

www.acel.lu

[@acelluxembourg](https://www.instagram.com/acelluxembourg)

[f](#) ACEL - de Studentevertrieder

[in](#) ACEL - de Studentevertrieder

alep.lu



ALEP

ASSOCIATION LUXEMBOURGEOISE
DES ÉTUDIANTS EN PSYCHOLOGIE